

COLOSENSES

Jmo₅ Pa₄ si₂ a₂chein₃ ne₄ Guá'₅ i₂chan₂
juig₂ Colosas tē₁lia'₂ 'ein₅₄ né'₃ 'má₃

1 ¹ Jniá₂, Pa₄, ia₁ co₂nē₅ 'nio₃ Diú₄ bá₄, líng₅ jan₂ i₂chen₄ quián₅
Jesucristo. Co₂lē₅ quiang'₅₄ rin'₅₄ jniog₄ Timoteo, ² jmo₂₃ si₂ carta
la₂ a₂dsiang'₅₄ ne'₅₄ 'nia'₂ rin'₅₄ jniog₄ a₂chang'₂ juig₂ Colosas, dsa₂ i₂lē₅
'í₁ i₂jme₂ti₃ ja₁con₂ Cristo:

Jui₁jme₂gu'₅₄ bá₄ Diú₄ i₂lín₅ Tia₅₄ quián₂, jui₁jmo₁₂ bá₄ 'ag₃ tei₄ tion'₅₄
'nia'₂.

Mi₅ Pa₄ ne₄ Diú₄ o₄quió'₄ dsa₂ i₂'én₂

³ Cuē₂ jnia'₅₄ ti₁'mag'₄ Diú₄ Jmei₂ Jesucristo Te₁gui'₅₄ quián₂, co₂tan₅₄
bá₄ mi₂ jnia'₅₄ ne₅₄ o₄quián'₂ 'nia'₂. ⁴ Ia₁ ma₂ca₂rē₃ne₄ bá₄ jnia'₅₄ 'a₂ lia'₂
lē₅ a₂'én'₂ 'nia'₂ le₃quió'₅ Cristo Jesús, 'a₂ lia'₂ lē₅ 'nió'₃ 'nia'₂ ca₂le₃jín₃
i₂ma₂tén₅ le₃quió'₅ Diú₄,^a ⁵ ia₁ cha₂ a₂lín₂ 'au'₂ 'nia'₂ a₂ma₂rē₂'ma₄ a₂lé₂
quián'₂ 'nia'₂ guei'₅₄ i₂juíg₃, jág₁ dse₃ a₂tí₅ a₂jme₁ma₂nei'₂ 'nia'₂ le₂jniá₅,
⁶ a₂jme₁ma₂dsióg₃ ja₁con'₂ 'nia'₂. Ca₂le₂con₂ ta₁caun₂ mi₂güí₃, ma₂léi₄
ma₂rē₂rau₂ a₂rē₂'én₂ dsa₂, le₂jaun₂ qui₂dsi₂cón₃ jág₁. Lē₂ jui₁lia'₂
ma₂qui₂ma₂lē₅ quian'₅₄ 'nia'₂ ca₂le₃ jmig₄ jme₁ca₂nei'₂ 'nia'₂ jág₁ dse₃
a₂lión₂ dsa₂, jme₁ca₂rē₃ñí'₂ 'au'₂ 'nia'₂ né₃, 'a₂ lia'₂ lē₅ a₂tē₃dsón'₂ bá₄
dsau₅ 'ua₁ dsí₅ Diú₄. ⁷ A₂nē₅ ma₂ca₂rē₃tín'₃ 'nia'₂ ca₂jme₃tag₅ Epafras
i₂'nióg₃ gué₄ lín₃, i₂ma₂já₅ co₂lē₅ quian'₅₄ jnia'₅₄ jme₂ti₃ ta₁ ne₄ Cristo.
'Éi₂ bá₄ chén'₅ ja₁con'₂ 'nia'₂ a₂lín₅ dsa₂ rē₂ti'₅₄ i₂jmo₅ ta₁ quió'₅ Cristo,
o₄quián'₂ 'nia'₂. ⁸ 'Éi₂ bá₄ ma₂o₃can₅ jág₁ 'a₂ lia'₂ 'nió'₃ 'nia'₂ ríng'₂
le₃quió'₅ Jme₂dsí₂.

⁹ 'Uig₅₄ jaun₂, jnia'₅₄ né₃, ca₂le₃ jmig₄ jme₁ca₂rē₃ne₄ jnia'₅₄, ma₂ja₂náu₅
tsá₃ ma₂tí₄ jnia'₅₄ jua'₅₄ tsá₃ chi₂len'₄ jnia'₅₄ Diú₄ o₄quián'₂ 'nia'₂. Mi₂
jniá'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂ qui₂le₃ñí'₂ le₃ñi'₅₄ 'nia'₂
le₃quió'₅ jme₂dsí₂, 'e₂ jaun₂ a₂'nio₃ 'éi₂, ¹⁰ ia₁jaun₂ bá₄ i₁nio'₄ 'nia'₂ con'₂
dsi₂ten₅₄ jmo₃ dsa₂ quián₅ Te₁gui'₅₄, lia'₂ con'₂ lē₅ 'ñio₂ dsí₅ 'éi₂.
Jui₁le₂rau₂ bá₄ con'₂ dse₃ ca₂le₃jé₃ ne₅₄ a₂dse₃ jmo'₂ 'nia'₂, caun₂ dsi₁nó'₅
'nia'₂ le₃cuíng'₂ gué₄ dse₃ Diú₄. ¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂
quian'₅₄ jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃
'au'₂, a₂juín'₂ 'au'₂, ton'₂ o₂'ñiós₃ 'au'₂ né₃. ¹² Mi₂ jnia'₅₄ ia₁jaun₂ bá₄ cuē'₅₄
'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂^b dsa₂ i₂lē₅ 'í₁^c quián₅,

^a2,4 lit. “dsa₂ jñiós₅.”

^b12 A₂lín₅₄ chog₅₄ si₂ juá'₂: “ma₂jmo₃ ma₂léi₄ jniog₄.”

^c12 lit. “dsa₂ jñiós₅.”

i₂ca₂tín₂ le₃quen'₄ ja₁tág₅ si₂.¹³ Ma₂ca₂lió₂ Diú₄ jniog₄ o₄gú₃ i₂gon₂ jë₄ qui₁né'₃, a₂ma₂ca₂dsiog₃ táng₃ ja₁gon₂ Ja₁ñi'₅₄ i₂ñí₄ lë₃ 'nioi₃.¹⁴ 'Éi₂^d bá₄ ca₂láu₂, ca₂'éin₂ dsáu₁ jniog₄.

'Ei₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵ 'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jé₃ a₂ca₂rë₃chá₃.¹⁶ Të₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jé₃ 'e₂ a₂cha₂ guei'₅₄ i₂juíg₃ quian'₅₄ gua'₅₄ 'uë₃, ca₂le₃jé₃ a₂jniá₂ quian'₅₄ gué₄ ca₂le₃jé₃ a₂tsá₃ jniá₂ né₃; co₂'nió'₄ a₂ca₂jmoí'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ né₃. Ca₂le₃jín₃ i₂në₅ ca₂lín₃ të₂le₃ quian'₅₄ 'éi₂, ton'₂ o₄quió'₄ 'éi₂ né₃.¹⁷ 'Éi₂ bá₄ i₂jme₁ma₂chan₂ lia'₂ con'₂ né₃ gué₄ a₂le₃cha₂ ca₂le₃jé₃; 'éi₂ bá₄ jmo₅ a₂niog₅ lë₂ rë₂ ca₂le₃jé₃.¹⁸ 'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄ le₃jua'₅₄ guá'₅ quiáin₅. 'Éi₂ bá₄ lín₅ i₂ca₂jme₃lióg₃ ca₂le₃jé₃; ton'₂ 'éi₂ bá₄ lín₅ ján₃ i₂le₂'uig₅₄ i₂ca₂jen'₅₄ jin₄ 'lag₄, ia₁jaun₂ lén₂ 'éi₂ i₂dsen₅₄ gué₄ ne₄ quió'₅ ca₂le₃jé₃.¹⁹ Ia₁ ca₂rë₃'ñióg₃ dsí₅ Diú₄ ca₂të₁gua₁ të₂le₃ ja₁con₂ 'éi₂ ca₂le₃jé₃ 'a₂ lia'₂ lín₅ 'ñiog₅; ²⁰ ca₂rë₃'ñióg₃ dsí₅ ján₃, të₂le₃ quian'₅₄ 'éi₂, ca₂'ág₂ táng₃ caun₂ jág₁ quiaín'₅₄ 'ñiog₅, ca₂le₃jé₃ a₂cha₂: lia'₂ ta₁caun₂ guei'₅₄ mi₂güig₃ lia'₂ quian'₅₄ ne₄ gua'₅₄ 'uë₃, ca₂jmo₃ ca₂'ág₂ táng₃ tei₄ të₂le₃ quian'₅₄ jmi₂ 'ain₅₄ a₂ca₂tein₃ ne₄ cróg₄.

²¹ 'Nia'₂ né₃, tsá₃ jág₁ jme₁nióg'₅ quian'₅₄ Diú₄ le₂jniá₅; të₂le₃ jme₁'ñiai'₅₄ bá₄ 'nia'₂, jui₅ 'a₂ lia'₂ jme₁qui₂dsi₂jio₅ 'au'₂, jui₅ 'a₂ lia'₂ jme₁jmo'₂-dsáu₅ 'nia'₂ né₃.²² La₁ rë₂né₃ né₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia'₂ quiaín'₅₄, të₂le₃ quian'₅₄ 'mú₃ a₂ca₂can₃ Cristo jui₅ ñi₅₄. A₂në₅ ca₂jmo₃ ia₁jaun₂ chein'₃ 'nia'₂ ne₅₄, jme₃jñiai₂₃ 'nia'₂ dsa₂ i₂ma₂lë₅ 'í₁, a₂tsá₃ ma₃'e₂ rë₂'ñióg₄, on₃ guë'₂ ma₂'e₂ dso₄ rin'₂ 'nia'₂.²³ A₂jaun₂ chi₂jua'₂ caun₂ náu'₂ 'nia'₂ tiá₂ a₂'éng'₂, në₂jag₄ quian'₅₄ jmú₄ tio'₅₄ 'ei₄; jaun₂ tsá₃ qui₂dsi₃mú'₃ 'nia'₂ cau₅ a₂'ín₂ 'au'₂ të₂le₃ quian'₅₄ jág₁ dse₃ a₂ma₂nei'₂ 'nia'₂. Jág₁ dse₃ në₅ ma₂qui₂rë₂'é₂ ne₄ le₂jan₂ le₂jan₂ i₂chan₂ ne₄ gua'₅₄ 'uë₃. Jniá₂ Pa₄, jaun₂ né₃, líng₅ jan₂ i₂qui₂jme₂'o₅₄ dsi₂'é₃ jág₁ jaun₂.

Jme₂ti₃ Pa₄ ja₁con₂ guá'₅

²⁴ Në₃ né₃ 'io'₂ jéin₅ jë₄ dsi₂ñíg₂ uig₅ o₄quián'₂ 'nia'₂, ia₁ le₂la₂ bá₄ 'eng₅₄ jui₅ a₂jme₁'ñiag₅, quian'₅₄ ñi₃ 'ñióg₃ a₂'nió'₅ gué₄ jui₁lia'₂ jmi₁uig₅ a₂ca₂i₃ñí₂ Cristo o₄quió'₄ guá'₅ quiáin₅, a₂lë₅ ñi₅₄.²⁵ A₂ma₂ca₂dsióg₃ jniá₂ a₂líng₅ jan₂ i₂jme₂ti₃ ja₁con₂ guá'₅ ján₃, con'₂ lë₅ ca₂dsia₃ Diú₄ gu₃, a₂dse₃ quián'₂ 'nia'₂, a₂'é₄ jniá₂ lia'₂ qui₂rë₂'ñia₅ jág₁ quió'₅,²⁶ co₂'nió'₄ le₃jua'₅₄, jág₁ a₂tsá₃ jme₁ca₂rë₃jniá₂ a₂jme₁rë₂'ma₄ quió'₅ Diú₄ ca₂le₃ ma₂líg'₂ lín₃ ma₂qui₂ma₂ñí₂ juin₅ lín₃ tsi₁jon₂ dsa₂ né₃. La₁ rë₂né₃ ma₂cuë₃ a₂le₃cuí'₅

^d14 A₂lín₅₄ chog₅₄ si₂ juá'₂: "Quian'₅₄ jmi₂ 'an₅₄ 'éi₂."

dsa₂ i₂lé₅ 'í₁^e quiáin₅. ²⁷ Ja₁con₂ dsa₂ quiáin₅ 'éi₂ bá₄ ca₂rë₃'ñi₃ dsí₅ Diú₄ ca₂jmo₃ a₂le₃cuí₅ dsi₂nau₂ 'e₂ jaun₂ a₂jlá₁ lin₃ jág₁ a₂jme₁rë₂'ma₄ jaun₂: co₂'nió₄ le₃jua₅₄, 'en₅₄ bá₄ Cristo jë₄ quián₂ 'nia₂, 'éi₂ bá₄ lín₅ i₂'ín₂ 'au₂ ja₁dse₃ ja₁jlá₁ a₂guéi₁ 'nia₂. ²⁸ Jnia₅₄ né₃ qui₂'é₅ jág₁ a₂'ín₅ 'éi₂, le₂jan₂ le₂jan₂ dsa₂ qui₂tioin₂ 'nia₅₄ jág₁, le₂jan₂ le₂jan₂ bá₄ dsa₂ qui₂jme₂tfin₁ ia₁jaun₂ le₃ñí₂, ia₁jaun₂ lé₂ jme₁jnia₅ jnia₅₄ le₂jan₂ le₂jan₂ dsa₂ a₂ma₂lín₅ dsa₂ ma₂ron₂ le₃quió₅ Cristo. ²⁹ 'Uig₅₄ jaun₂ bá₄ né₃, jmo₅ jniá₂ ta₁, quín₅ jniá₂ bí₂ lia₂ con₂ lé₅ ta₁ bén₂ a₂jmo₅ 'éi₂ ja₁cong₂.

2 ¹ Ia₁ 'nio₃ jniá₂ jui₁le₃ñi₅₄ 'nia₂ 'a₂ lia₂ ñí₄ lë₃ quian₅ ta₁ a₂quíng₅ bí₂ o₄quián₂ 'nia₂, quian₅₄ o₄quió₄ i₂chan₂ juig₂ Laodicea, o₄quió₄ ca₂le₃jín₃ i₂tsá₃ cuig₅ i₂tsá₃ jág₂ dsi₁ne₁ né₃. ² Jmo₅ jniá₂ bí₂ le₂në₅ ia₁jaun₂ qui₂le₁'ág₄ lián₂ dsí₅ 'éi₂, caun₂ 'ei₅ jág₁ jme₂'noi₃ riin₅₄; ia₁jaun₂ bá₄ 'io₃ a₂quen₅ lin₃ a₂le₂jaun₂ a₂caun₂ le₁'ág₄ dsí₅ ia₁ a₂qui₂ma₂'an₂ dsí₅; ton₂ ia₁jaun₂ le₃ñí₂ jág₁ a₂rë₂'ma₄ quió₅ Diú₄. Jág₁ jaun₂ né₃, Cristo 'ñiog₅ bá₄ 'éi₂.^f ³ Ia₁ të₂le₃ ja₁con₂ 'éi₂ bá₄ qui₂rë₂'ma₄ jë₂ jág₁ a₂quen₅ lin₃ a₂lé₂ le₃ñí₂ dsí₅ dsa₂, a₂lé₂ le₃ñi₅ dsa₂ né₃. ⁴ A₂në₅ juí₂g₂ 'nia₂ ia₁jaun₂ 'i₁jan₂ tsá₃ 'ein₂ jui₁jme₂gau₅ 'nia₂ quian₅₄ jág₁ a₂'io₂ quió₅. ⁵ Jaun₂ o₁jnia₅₄ la₂ tsá₃ quian₅₄ jniá₂ 'nia₂ dsi₁ne₁ 'ñi₃ó₃ dsón₂, la₁ 'eng₅₄ bá₄ quian₅₄ 'nia₂ të₂le₃ quian₅₄ jme₂dsí₂, jmo₂₃ 'io₂, jág₅ 'a₂ lia₂ tiong₅₄ rë₂ con₂ dsi₂ten₅₄, ton₂ tióng₂ bá₄ tiá₂ a₂'éng₂ le₃quió₅ Cristo. ⁶ Jaun₂ lë₃, le₂në₅ jui₁lia₂ ca₂guen₅₄ 'nia₂ Cristo Jesús^g a₂lín₅ juig₂ 'nia₂, caun₂ jui₁i₂nio₄ bá₄ 'nia₂ le₃quió₅ 'éi₂; ⁷ jui₁të₂ton₅₄ bá₄ jmú₄ jui₅ jme₂dsí₂ quián₂ 'nia₂ të₂le₃ quió₅ 'éi₂, jui₁qui₂dsi₂cón₃ bá₄ 'nia₂ le₃quió₅ 'éi₂ të₂le₃ ia₁ a₂'éng₂, lia₂ con₂ lé₅ a₂ca₂rë₂tín₃ 'nia₂, a₂rë₂tsón₂ të₂'au₂ a₂cuë₅₄ ti₁'mag₄ Diú₄.

A₂le₃chan₂ dsa₂ caun₂ jui₅ 'mí₂ le₃quió₅ Cristo

⁸ 'Í₁ jmo₄ 'nia₂, ia₁ con₂ tsá₃ ñó₅ në₁ca₂tág₃ dsa₂^h të₂le₃ quian₅₄ jág₁ a₂jnia₅₄ ñí₂ dsí₅ dsa₂ mi₂güí₃, a₂jme₂gau₅, a₂tsá₃ ta₁ tí₄, lia₂ con₂ lé₅ tag₄ chí₅ quió₅ dsa₂, a₂cha₂ 'uig₅₄ 'a₂ con₂ jnia₅₄ lé₂ a₂cha₂ mi₂güí₃ la₂, on₃jua₅₄ rë₂ lia₂ con₂ lé₅ jág₁ quió₅ Cristo. ⁹ Ia₁ ja₁con₂ Cristo bá₄ të₁gua₁ chi₁dsáin₃ ca₂le₃jé₃ lia₂ con₂ lé₅ niog₅ lín₅ Diú₄. ¹⁰ Jaun₂ 'nia₂ né₃, ma₂le₁'ñia₅ 'nia₂ le₃quió₅ 'éi₂, i₂lín₅ co₂'nió₄ mi₂dsi₄ ne₄ quió₅ ca₂le₃jín₃ i₂gon₂, ca₂le₃jín₃ i₂jio₅ 'éi₃ ján₃. ¹¹ Le₂jaun₂ bá₄ ján₃, ia₁ a₂quian₅₄ 'nia₂ Cristo, co₂'nió₄ bá₄ ma₂qui₂rë₂uig₄ quián₂ 'nia₂, ma₂lé₅ léi₄. La₁ on₃jua₅₄ rë₂ lia₂ lé₅ jmo₅ dsa₂ mi₂güí₃, të₂le₃ a₂ma₂qui₂ma₂tí₃ 'nia₂ 'nau₄ dso₄ lia₂ 'ín₅ dsí₅ ni₁ñi₁; ma₂qui₂le₁lín₅ 'nia₂ léi₄ le₃quió₅ Cristo. ¹² Ia₁ lia₂ con₂ jme₁ca₂qui₂ca₂jñó₂ 'nia₂

^e22,26 lit. “dsa₂ jñi₃ó₅.”

^f2 A₂lín₅₄ chog₅₄ si₂: “já₁g₁ a₂rë₂'ma₄ quió₅ Diú₄ Jmei₂, quió₅ Cristo né₃.”

^g6 o₃, “Jesucristo.”

^h8 o₃, “në₁ca₂'ang₃ a₂'én₂ 'nia₂.”

j₂mig₂ⁱ nē₂jag₄ bá₄ ca₂i₃'on'₃ 'nia'₂ co₂lě₅ quian'₅₄ Cristo, ján₃ guē'₂
 le₂jaun₂ ca₂jen'₅₄ 'nia'₂ co₂lě₅ quian'₅₄ 'éi'₂, ia₁ ca₂rě₃'én'₂ 'nia'₂ jui₅bí₂
 quió'₅ Diú₄ a₂ca₂jme₃jein'₅₄ ja₁jme₁rě₂'lin'₅₄.¹³ Lia'₂ con'₂ jme₁rě₂'lin'₄
 'nia'₂ le₃quió'₅ jme₂dsí'₂, jme₁qui₂le₁cán'₂ jme₁qui₂le₁quian'₄ 'nia'₂ dsáu'₂,
 nē₂jag₄ bá₄ a₂tsá₃ jme₁rě₂uĩng₄ lo'₄ 'nia'₂ jme₁chang'₂; la₁ Diú₄ nē₃
 ma₂to'₂ táng₃ jme₂dsí'₂ 'nia'₂ co₂lě₅ quian'₅₄ Cristo, qui₂ca₂'éin₂ bá₄ jě₂
 dsáu'₂ 'nia'₂.¹⁴ Co₂dsia₅ ca₂'éin₂ bá₄ jág₁ a₂jme₁chi₁ton₅ ne₄ si₂
 a₂jme₁ron₅ a₂jme₁juá'₂ a₂jme₁rag₂ jniog₄, Si₂ 'Éi'₃ jaun₂ a₂jme₁'liog'₅
 jniog₄; ma₂ca₂jniá'₂ cau₅ co₂nei'₅₄, nē₂jag₄ bá₄ a₂ca₂i₃ba₅₄ mi₂ńí₁ si₂ jaun₂
 dso'₂ cróg₄.¹⁵ Le₂nē₅ co₂dsia₅ ca₂chein'₃ 'uin₃ jme₂dsí'₂ i₂jme₁gon₂,
 i₂jme₁jio₅ 'éi'₃ nē₃, jaun₂ ca₂jio₃ cha₂ juíg₃ tē₃ jág₅ ca₂le₃jín₃ dsa₂,
 jme₁ca₂tió'₃ ca₂tiain'₃ 'éi'₂ jág₁, ne₄ cróg₄.^j

'Nio'₂ 'nia'₂ a₂cha₂ le₃quió'₅ guei'₅₄ i₂juíg₃

¹⁶ Jaun₂ lě₃, 'i₁jan₂ tsá₃ 'ein₂ qui₂o₁'ag₅₄ 'nia'₂ o₄quió'₄ 'e₂ má₃ qué'₂, o₃
 jui₁lia'₂ 'e₂ qui₂'ág'₂ 'nia'₂, o₃ quian'₅₄ jui₁lia'₂ jmig₄ jme₁niog₅ jmig₄, o₃
 jui₁lia'₂ jmig₄ tsi'₂ 'io'₅₄,^k o₃ jui₁lia'₂ jmig₄ sa₅₄ nē₃.¹⁷ Ca₂le₃jě₃ a₂nē₅, lě₅
 co₂'nió'₄ caun₂ 'én'₁ quió'₅ a₂'i₄ 'éi'₃ jiá₃ bá₄ jaun₂, la₁ia₁ jui₁lia'₂ a₂tí₅
 tē₃dsón'₂, Cristo bá₄ 'éi'₂.¹⁸ Tsá₃ cuē₂ 'nia'₂ jmig₄ jua'₅₄ 'liog'₃ dsa₂ cau₅
 'nia'₂, jui₁lia'₂ dsa₂ i₂jmo₅ a₂lín₅ mei'₂, ton'₂ jme₂juin'₂ ángeles nē₃.
 Qui₂tiain₂ 'ńio₅ lín₃ a₂cha₂ tē₅ ne₅₄ a₂lě₁qui₂jág₅,^l 'ńio₅ jme₂cain'₅₄ jmo₂₃
 rón₂ a₂qui₂ńí'₂ dsí₅ guoin₅₄.¹⁹ Dsa₂ i₂le₂'éi'₂ nē₃, tsá₃ chi₁chain'₅
 le₃quió'₅ Cristo, i₂lín₅ mi₂dsi₄ i₂jme₂tau₅₄ ca₂le₃jě₃ ja₁qui₂le₁tion'₅₄ quió'₅,
 jmo₂₃ qui₂dsi₂cón₃ ta₁caun₂ ni₁ńi₁₂, lia'₂ con'₂ lě₅ 'ńio₂ dsí₅ Diú₄.

²⁰ Chi₂jua'₂ jaun₂ ma₂dsan'₃ bá₄ 'nia'₂ quian'₅₄ Cristo, ja₁con₂ jág₁
 le₂'uig₅₄ lia'₂ ńí'₂ dsí₅ dsa₂ mi₂güí₃, 'e₂ guē'₂ 'uig₅₄ lě₃ nē₃, qui₂tián'₅
 gué₄ 'nia'₂ 'éi'₃ nē₂jag₄ a₂lín₅ bá₄ gué₄ 'nia'₂ dsa₂ mi₂güí₃?²¹ Co₂'nió'₄
 a₂juá'₂ 'éi'₃: “Tsá₃ i₂tí₅ gog'₂, tsá₃ i₂qué'₂ má₃ ó₃, tsá₃ i₂jma'₂ a₂ó₃ nē₃.”
²² Ta₁jě₂ bá₄ a₂nē₅ dsiá₃ jui₁lia'₂ jě₁jmo'₂ ta₁. Tē₂le₃ ia₁ con'₂ lě₅ 'éi'₃
 a₂jme₂tag₅ dsa₂ mi₂güí₃ bá₄ jaun₂.²³ Jág₁ a₂le₃ńí'₂ dsí₅, jág₁ le₂nē₅, lě₂
 le₃lín₂ dsa₂, ia₁ qui₂chi₂quióng₂ jmig₄ 'ńio₅ lín₃ a₂jmo₃ dsa₂ a₂ńí₄ cuiin₂₃
 Diú₄, a₂qui₂jmo₂₃ mei'₂, a₂qui₂cué'₅ uig₅ ni₁ńi₁₂ nē₃; la₁ 'i₁ca₂juig₄ tsá₃ 'e₂
 ta₁ jmo₃ jua'₅₄ quian'₅₄ a₂nē₅ lě₂ le₃guia'₃ dsa₂ cau₅ a₂'ág'₄ dsí₅ a₂mi₅
 ni₁ńi₁₂.

3¹ Le₂nē₅ bá₄ jaun₂, ia₁ a₂ma₂ca₂jen'₅₄ guē'₂ 'nia'₂ quian'₅₄ Cristo,
 'nio'₂ 'nia'₂ jaun₂ a₂lě₅ le₃quió'₅ guei'₅₄ i₂juíg₃, ja₁guá₄ Cristo
 tē₂le₃ gu₂ ne₁ quió'₅ Diú₄.² Jmo₄ bá₄ 'nia'₂ 'i₅ 'au'₂ a₂ca₂tín₂ guei'₅₄
 i₂juíg₃, on₃jua'₅₄ rě'₂ a₂ca₂tín₂ ne₄ gua'₅₄ 'uē₃.³ Ia₁ ma₂dsan'₃ bá₄ 'nia'₂,

ⁱ12 lit. “lia'₂ con'₂ jme₁ca₂i₃tian'₃ 'nia'₂ jmig₂.”

^j15 'Nio'₂ ja₁ton₅ Efesios 4:8.

^k16 lit. “tsi'₂ guen₂.”

^l18 A₂lín₅₄ chog₅₄ si₂ juá'₂: “qui₂tiain₂ 'ńio₅ lín₃ jui₁lia'₂ a₂tsá₃ ma₂jág₃.”

jaun₂ ma₂rë₂'ma₄ a₂chan'₂ 'nia'₂ quian'₅₄ Cristo ja₁con₂ Diú₄.⁴ Jë₁ma₂të₂
rë₁jme₃nia₅ Cristo në₃, i₂lín₅ i₂jmo₅ a₂chong₂ jniog₄, jaun₂ në₃, já₃ gué'₂
le₂jaun₂ 'nia'₂ le₃jniág'₂ co₂lë₅ quian'₅₄ jë₄ co₂tág₅ co₂'né'₅ quió'₅.

Jui₅ gui'₅₄, quian'₅₄ jui₅ 'mí₂

⁵ Jaun₂ lë₃, co₂dsia₅ jmo₄ 'nia'₂ jui₁dsian₂ gog'₂-tag'₅₄ a₂jmo₅-dsáu₅
jui₁lia'₂ a₂lë₂ gua'₅₄ 'uë₃ la₂: jui₁lia'₂ a₂nió'₅ dsa₂ já₁ a₂tsá₃ dsi₂ten₅₄
nió'₃; jui₁lia'₂ a₂jmo₅ dsa₂ cosa lë₁'iog₅, jui₁lia'₂ a₂ín₅ dsí₅ cosa 'lig'₅₄,
jui₁lia'₂ a₂ín₅ dsí₅ dsa₂ jme₃'ñiúi'₃ a₂ca₂tín₂ i₂sián'₂. Ia₁ a₂co₂jaun₂ bá₄
në₅ jui₁lia'₂ a₂jme₂gan₃ dsa₂ diú₄ lag₄.⁶ Ia₁ 'uig₅₄ quió'₄ a₂le₂në₅ bá₄ já₅
uig₅ gau₂ a₂'ë₂ Diú₄ ne₄ quió'₅ jaun₅ dsa₂ i₂tsá₃ ne'₅₄.^m ⁷ Jui₅ le₂në₅
jme₁i₂nio'₄ 'nia'₂ lia'₂ lë₅ jme₁chan'₂ 'nia'₂ le₂jniá₅.⁸ La₁ rë₂në₃ në₃, tí₃
ca₂le₃jé₃ a₂le₂në₅: jui₁lia'₂ a₂'i₄ 'nei₂ 'au'₂ 'nia'₂, jui₁lia'₂
a₂lë₁qui₂rë₂'neg'₂, jui₁lia'₂ a₂'lig'₅₄ a₂qui₂dsi₂jniá₅ 'au'₂ 'nia'₂, jui₁lia'₂
a₂ín₅ 'nia'₂ uig₅ ríng'₂, jui₁lia'₂ já₁ ga₂ a₂'uë₂ mi₂'o'₅₄.⁹ Tsá₃ ma₃dsia₂
'nia'₂ já₁ të₂jág₁ quian'₅₄ rín'₂ 'nia'₂ le₂jang'₂ le₂jang'₂, ia₁ ma₂dsian'₅₄
'nia'₂ cau₅ dsa₂ 'ón₅ 'a₂ lia'₂ jme₁lín'₄ 'nia'₂ le₂jniá₅, quian'₅₄ gué'₄
ca₂le₃jé₃ a₂jme₁jmo₅-dsáu₅,¹⁰ co₂'nió'₄ ma₂ca₂qui'₂ táng₃ 'nia'₂ caun₂
a₂'mí₂, co₂'nió'₄ a₂lín'₅ dsa₂ 'mí₂; a₂caun₂ qui₂rë₂'mag'₂ 'nia'₂, ia₁jaun₂
dsi₁nóg'₅ ja₁le₃cuín'₂ 'nia'₂ dse₃ lín₃ Diú₄, ja₁le₃lén'₂ 'nia'₂ lia'₂ lín₅ 'éi₂
i₂ca₂jmo'₂ 'nia'₂.¹¹ Ja₁jaun₂ tsá₃ 'ein₂ jmo₅ jma₃quén₅ jui₁lia'₂ dsi₂nau₂ o₃
dsa₂ judíos 'e₂, jui₁lia'₂ dsa₂ i₂rë₂uín₄ o₃ tsá₃ rë₂uín₄ quió'₅ 'e₂, jui₁lia'₂
dsa₂ i₂chan₂ uín₂, o₃ i₂chan₂ má'₂ 'e₂, jui₁lia'₂ dsa₂ i₂jme₂ti₃ ta₁ ne₄
juig₅₄, o₃ i₂tsá₃ 'ein₂ ne₄ jme₂ti₃; la₁ Cristo bá₄ quen₅ ne₄ ca₂le₃jé₃, ton'₂
'ein₅₄ ja₁con₂ ca₂le₃jín₃.

¹² Jaun₂ lë₃, rín'₅₄ jniog₄, jui₁lia'₂ ca₂tín₂ jmo₃ dsa₂ i₂ma₂quión'₂ Diú₄,
i₂ma₂lë₅ 'í₁ quiáin₅, i₂ñí₄ lë₃ 'nioi₃ 'éi₂: qui'₂ 'nia'₂ a₂rë₂lín'₅₄ a₂ñéi₂
'au'₂, a₂'ua₁ 'au'₂, a₂jmo'₂ meg'₂, a₂jme₁gan₃ 'nia'₂ ríng'₂, a₂juín'₂ 'au'₂
'nia'₂ në₃.¹³ Jmo₄ 'nia'₂ tió'₃ 'au'₂ quian'₅₄ ríng'₂ le₂jang'₂ le₂jang'₂, ton'₂
'én₃ 'nia'₂ dsáu₁ ríng'₂, në₁jua'₂ chan₂ i₂dsia₅ dsáu₁ rín'₅₄. Jui₁lia'₂ ca₂én₂
Te₁gui'₅₄ dsáu'₂ 'nia'₂ guiong'₅₄, le₂jaun₂ jmo₄ 'nia'₂ já₃.¹⁴ A₂dsen₅₄ gué'₄
jë₄ ca₂le₃jé₃, qui'₂ 'nia'₂ quian'₅₄ a₂jme₁'nió'₄ 'nia'₂ ríng'₂,ⁿ a₂në₅ bá₄ jmo₃
'ag₃ co₂dsia₅ caun₂ já₁ 'nia'₂.¹⁵ Jui₁le₂gon₂ të₂'au'₂ 'nia'₂ a₂'ei₅ tei₄
quió'₅ Cristo,^o ia₁ ta₁ jaun₂ ma₂qui₂rë₂té₄ 'nia'₂ a₂lén'₂ caun₂ bá₄ ñí₅.
Jaun₂ jmo₄ 'nia'₂ 'au'₂ cuè'₅₄ ti₁'mag'₄.¹⁶ Jui₁të₂gua₄ të₂'au'₂ 'nia'₂ lia'₂
rë₂tsón₂ já₁ dse₃ quió'₅ Cristo; quian'₅₄ ca₂le₃jé₃ a₂ñí'₂ dsí₅ Diú₄,
jë₁jme₂tín'₂ 'nia'₂ ríng'₂, jë₁qui₂ton'₂ 'nia'₂ já₁ ríng'₂ të₂le₃ quian'₅₄
salmos, himnos, son₅₄ a₂gu₂dsí₂ në₃, a₂qui₁'é₂ 'nia'₂ a₂cuè'₅₄ ti₁'mag'₄
Diú₄ jui₅ të₂'au'₂ 'nia'₂.¹⁷ Jui₁'e₂ gué'₃ a₂jmo'₂, o₃ 'e₂ já₁ dsiá'₁ 'nia'₂,

^m6 A₂lín₅₄ chog₅₄ si₂ tsá₃ chi₁ton₅ já₁: “ne₄ quió'₅ jaun₅ dsa₂ i₂tsá₃ ne'₅₄.”

ⁿ14 'Nio'₂ ja₁ton₅ 1 Corintios 13:13.

^o15 o₃, “quió'₅ Diú₄.”

jmo₄ 'nia'₂ ca₂le₃jé₃ o₄quió'₄ Te₁gui'₅₄ Jesús, qui₁cué'₅₄ 'nia'₂ ti₁'mag'₄
Diú₄ Jmei₂ jniog₄ le₃quió'₅ 'éi'₂.

A₂ca₂tín₂ dsa₂ quián₅ Cristo jmo₃ quiaín'₅₄ riín'₅₄

¹⁸ 'Nia'₂ dsa₂ mí₂ i₂chan₂ dsi₂i₂gu₂, tión'₂ 'nia'₂ 'éi'₃ quió'₅ dsa₂ ñe'₂
quiáng'₂, jui₁lia'₂ dsi₂ten₅₄ ia₁ líng'₅ dsa₂ 'én₂ le₃quió'₅ Te₁gui'₅₄. ¹⁹ 'Nia'₂
gué'₂ dsa₂ ñe'₂ i₂chan₂ dsa₂ mí₂ quián₅, jme₁'nió₄ 'nia'₂ dsa₂ mí₂ quiáng'₂,
tsá₃ jmo'₂ 'nia'₂ 'ua'₂ 'au'₂ ja₁coin₂. ²⁰ 'Nia'₂ chi'₂-guein₂, nei₂ 'nia'₂ gau₂
jág₁ quió'₅ chog'₂-néi'₅ jë₄ le₃jé₃, ia₁ a₂në₅ bá₄ të₅ dsí₅ Te₁gui'₅₄. ²¹ 'Nia'₂
gué'₂ né₃, jmei₂ chi'₂, tsá₃ tó'₂ 'nia'₂ 'nei₂ dsí₅ chi'₂-guein₂ quián'₂ 'nia'₂,
ia₁jaun₂ tsá₃ jén₂ dsí₅. ²² 'Nia'₂ dsa₂ i₂jme₂ti₃ ne₄ dsa₂, jme₁ti₁ 'nia'₂
ca₂le₃jé₃ 'e₂ ta₁ ti₂néi'₂ juig'₂ i₂lín₅ juig'₂ të₂le₃ ne₄ gua'₅₄ 'uë₃ la₂,
on₃jua'₅₄ jmá'₃ jme₁jág₅ ia₁jaun₂ të₃tsin'₅₄ 'nia'₂ dse₃ quiaín'₅₄, la₁ jmo₄
bá₄ jui₅ të₂'au'₂ a₂tí₅ të₃dsón'₂, ia₁ të₂le₃ a₂gang'₃ Te₁gui'₅₄. ²³ Jui₁'e₂ gué'₃
caun₂ a₂jmó'₂ 'nia'₂, jmo₄ 'nia'₂ a₂'ñio₂ 'au'₂ co₂'nió'₄ a₂jmo'₂ ta₁ le₃quió'₅
Te₁gui'₅₄, on₃jua'₅₄ le₃quió'₅ dsa₂. ²⁴ Ia₁ ma₂ñi'₅₄ bá₄ 'nia'₂, Te₁gui'₅₄ bá₄
cuë₃ 'liang'₅₄ a₂ma₂lé₅ jág₁ ca₂tín'₂. Ia₁ ne₄ Te₁gui'₅₄ Cristo jme₂tí'₁
'nia'₂ ta₁. ²⁵ La₁ jui₁lia'₂ i₂jmo₅-dsáu₅ a₂'lig'₅₄, gue₃ bá₄ 'liain'₅₄ lia'₂ con'₂
lé₅ 'lig'₅₄ a₂jmo₂₃. Ia₁ tsá₃ jma₃quén₅ jín₂ Diú₄ le₂jan₂ le₂jan₂ dsa₂.

4 ¹ 'Nia'₂ dsa₂ i₂lín₅ juig'₅₄ quián₅ dsa₂, ca₂tín'₂ 'nia'₂ jmó'₂ lia'₂
con'₂ dsi₂ten₅₄, 'i'₅₄ jág₁ 'nia'₂ quiang'₅₄ dsa₂ i₂qui₂jme₂ti₃ ne'₅₄.
Jui₁dsiog'₂ bá₄ 'au'₂ 'nia'₂ a₂chan₂ jan₂ Juig'₂ 'nia'₂ ján₃ i₂guá₅ guei'₅₄
i₂juíg₃.

² Caun₂ chi₂len'₄ 'nia'₂ Diú₄ a₂léi₄ rë₂jnio₄ ne'₅₄ 'nia'₂, cué'₅₄ ti₁'mag'₄.
³ Mi₄ 'nia'₂ ne₄ Diú₄ o₄quián₂ jnia'₅₄ ján₃, ia₁jaun₂ bá₄ cuë₃ Te₁gui'₅₄ jui₅
rë₂na₄ jnia'₅₄ ia₁jaun₂ lé₂ le₃qui₁'é₄ jág₁ dse₃ a₂qui₁chei₅₄ jnia'₅₄ dsa₂ jág₁
a₂rë₂'ma₄ quió'₅ Cristo; 'uig'₅₄ jág₁ në₅ bá₄ 'eng₅₄ rë₂jníg₅. ⁴ Chi₂len'₄
'nia'₂ Diú₄ ia₁jaun₂ lé₂ le₃'é₄ lia'₂ qui₂rë₂jiá₃ jág₁ lia'₂ con'₂ dsi₂ten₅₄
jmo₅₄.

⁵ Tián'₂ 'nia'₂ 'en₅₄ 'au'₂ jmo₄ quian'₅₄ jui₁lia'₂ dsa₂ i₂tsá₃ 'én₂, 'ñio'₄
'nia'₂ jmo₄ a₂dse₃ jë₁cuin₅ jmig₄. ⁶ Jág₁ a₂dsia'₂ 'nia'₂ co₂tan₅₄ bá₄ ca₂tín'₂
'nia'₂ dsíá'₁ a₂'ua₁ 'au'₂, jág₁ a₂'ñio₂ dsí₅ a₂ja₂ mi₂juig₂. Ca₂tín'₂ 'nia'₂ ján₃
le₃ñi'₅₄ 'a₂ lia'₂ qui₁jein'₄ jág₁ ja₁con₂ le₂jan₂ le₂jan₂ dsa₂.

Cuag₂₃ Diú₄ jë₁ca₂tó'₂

⁷ Tíquico rin'₅₄ jniog₄ i₂'nió₃ gué'₄ lín₃, i₂ma₂já₅ jme₂'o₅₄ qui₂rë₂ti'₅₄,
jme₂ti₃ quian'₅₄ jniá₂ ne₄ Te₁gui'₅₄, 'éi'₂ bá₄ dsia₃ ca₂le₃jé₃ 'a₂ lia'₂ lé₅
chang₂. ⁸ 'Uig'₅₄ jaun₂ tsín₂ jniá₂ ja₁con'₂ 'nia'₂ ia₁jaun₂ dsia₃ 'a₂ lia'₂
chong₂ jnia'₅₄ ja₁lá₃, ton'₂ ia₁jaun₂ cué'₃ 'nia'₂ lián'₂; ⁹ quiaín'₅₄ Onésimo
né₃, jan₂ rin'₅₄ jniog₄ i₂rë₂ti'₅₄, i₂lín₅ jan₂ i₂quian'₄ 'nia'₂; i₂në₅ bá₄ dsia₃
ca₂le₃jé₃ 'e₂ niog₅ lé₂ ja₁lá₃.

¹⁰ Aristarco, i₂quiong' ₅₄ jniá₂ né' ₃ má₃, dsiáin' ₂ jág₁ a₂cuin' ₂₃ Diú₄ 'nia' ₂, ján₃ bá₄ le₂jaun₂ Marcos, i₂lín₅ chí' ₂ rin' ₅₄^p Bernabé. Tè₂le₃ quió' ₅ Marcos 'éi₂ né₃, ma₂gue' ₅₄ bá₄ 'nia' ₂ jág₁ 'a₂ lia' ₂ jmó' ₂; nē₁jua' ₂ ca₂dsióg₃ dsi₁jiin' ₁₂ 'nia' ₂, guein' ₅₄ bá₄ 'nia' ₂ dse₃. ¹¹ Ján₃ bá₄ cuag₅ Diú₄ i₂chen₂ Jesús i₂té' ₂ dsa₂ Justo ján₃. Jñia' ₅₄ lia' ₂ i₂nē₅ bá₄ lín₅ i₂ún₂ tan₅₄ i₂rē₂uing₄ quió' ₅, i₂jmo₅ ta₁ quian' ₅₄ jniá₂ o₄quió' ₄ ja₁gon₂ Diú₄, i₂ma₂ja₂lén₂ jmo₅ lián' ₂ dsi₃. ¹² Epafras né₃ jan₂ i₂lín₅ rín' ₂ 'nia' ₂, dsiáin' ₂ jág₁ a₂cuin' ₂₃ Diú₄ 'nia' ₂, jan₂ rin' ₅₄ i₂jme₂ti₃ ne₄ Cristo Jesús. Co₂tan₅₄ bá₄ chí₂lén' ₂ 'éi₂ Diú₄ 'ñio₅ lín₃ o₄quián' ₂ 'nia' ₂, ia₁jaun₂ tón' ₂ 'nia' ₂ rē₂'ñiag' ₅, 'ei₅ caun₂ jág₁ 'nia' ₂ jē₄ ca₂le₃jé₃ 'a₂ lia' ₂ 'ñio₂ dsí₅ Diú₄. ¹³ Lé₂ jáng' ₄ jniá₂ jág₁ dsau₅ 'a₂ lia' ₂ ma₂já₅ 'éi₂ dsan₂ dsí₅ 'nia' ₂, ján₃ bá₄ le₂jaun₂ o₄quió' ₄ i₂tián' ₅ juig₂ Laodicea quian' ₅₄ guē' ₂ i₂tián' ₅ Hierápolis ján₃. ¹⁴ Lucas, i₂lín₅ tē₅mí₅ i₂'nió₄ gué₄ lín₃, cuin' ₂₃ Diú₄ 'nia' ₂; ján₃ guē' ₂ le₂jaun₂ i₂té' ₂ Demas. ¹⁵ Cuin' ₅₄ 'nia' ₂ Diú₄ rin' ₅₄ i₂tián' ₅ juig₂ Laodicea. Cuin' ₅₄ 'nia' ₂ Diú₄ ján₃ 'io₅₄ Ninfas, quian' ₅₄ co₂nió' ₃ guá' ₅ i₂ñi' ₂ dsi₂néi₂ quió' ₅ né₃. ¹⁶ Jē₁ma₂ca₂'í' ₂ 'nia' ₂ si₂ la₂ jē₄ quián' ₂ 'nia' ₂, jaun₂ tsing' ₅₄ 'nia' ₂ guá' ₅ chan₂ Laodicea ia₁jaun₂ 'i₃ táng₃ rin' ₅₄ jniog₄ ja₁jaun₂; ton' ₂ ján₃ guē' ₂ 'í₂ 'nia' ₂ si₂ a₂ca₂dsióg₃ ne₄ i₂chan₂ Laodicea. ¹⁷ A₂la₂ chei' ₅₄ Arquipo: “Tion' ₂ 'ne₂ jui₅ ta₁ a₂ma₂gue' ₅₄ a₂ma₂dsia₃ Te₁gui' ₅₄ gog' ₂, a₂jme₁ti' ₄ rē₂.”

¹⁸ Jniá₂ Pa₄, cuíng₅ Diú₄ 'nia' ₂ quian' ₅₄ letra quió₃ 'ñió₃.^q Jui₁dsiog' ₂ bá₄ 'au' ₂ 'nia' ₂ a₂'eng₅₄ rē₂jníg₅. Jui₁jme₂gu' ₅₄ bá₄ Diú₄ 'nia' ₂. Co₂nē₅.

^p10 o₃, “primo.”

^q18 'Nio' ₂ ja₁ton₅ 1 Corintios 16:21; Gálatas 6:11; 2 Tesalonicenses 3:17; Filemón 19.